



**MEGHALAYA
COOPERATIVE
TRAINING INTSTITUE
SHILLONG**

TRANSLATED BYE-LAW
IN KHASI LANGUAGE

Ka Kyrwoh sha kiba thmu pyndonkam ia kane ka Bye-Law.

Da kane ka kyrwoh ngi na ka liang ka Meghalaya Cooperative Training Institute, Shillong ngi pyntip sha phi kiba thmu ban pyndonkam ia kane ka Bye-Law kaba la pynkylla sha ka ktien khasi. Ha kaba iadei bad kane, ia kane ka Bye-Law la pynmih kyrpang na ka bynta ban pynsuk ia kito kiba shem shitom ban pule bad thoh ha ka ktien phareng (English). Namar kane ka long tang ban iarap ia kiba kum kita ba kin sngewthuh kaei ka Bye-Law bad kadei tang kum ka nuksa ba kin tip kham bha ia ki kyndon treikam ba la bsuh ha ka Bye-Law jong kano kano ka Cooperative Society ia kaba ki long dkhot bad ia kito kiba thmu ban rung dkhot. Halor kane ka nongrim, ngi kyntu, mana bad khang pyrshah ia kino kino ki Cooperative Society ban pyndonkam bakla ia kane ka Bye-Law ha kino kino ki kam ki jam ba iadei bad ka sorkar lane bad kino kino ki Bank, ne kino kino ki seng.

O/o The Principal
Meghalaya Cooperative Training Institute
Nongrim Hills, Shillong - 793119

KA BYE LAW JONG KA _____

1. KYRTENG :

i. Kyrting jong ka Society : _____

2. Address/ Jaka ha kaba ka society ka don:

i. Post Office / Ing Dak : _____

ii. B.P.O : _____

iii. Police Station : _____

iv. C & RD Block : _____

v. District/ Sub-Division : _____

vi. Jylla : _____

3. U Pud Treikam (Area of Operation) :

U pud trei kam jong ka society yn kynthup ia (kyrteng jong ka/ki shnong): _____

4. Ki Thong & ki jingthmu jong ka society (Aims and Objectives):

Ban leh ia kino kino ki kam ki ban iarap ban kyntiew lem ia ka ioh ka kot jong ki dkhot ka society lem bad ka imlang sahang, kita ki long kat kum kine kiba la jer harum:-

- i. Ban pynshlur ia ki dkhot ba kin nang ban kunai bad tyngkai ia la ka pisa pilain (Thrift); ba kin don ka mynsiem iatrei lang khnang ban lah ban iarap bad ban kyntiew lem iwei ia iwei.
- ii. Ban pynshlur ia ki dkhot ba, ia kata ka pisa ba ki kunai, kin kynshew kyndiap ia ka (pisa) da kaba thep kynshew (Deposit) ia ka ha ka Society. Ka Society ruh kan ai sut (Interest) halor kata ka pisa kaba ki kynshew ha ka.
- iii. Ban wad lad wad lynti ba ki dkhot ki kin ioh ia ka ram (Loan) ka shah, kaba kat kum ka jingdonkam ka jong ki.
- iv. Ban kyntiew ia ka kam rep kam riang (Agriculture) hapdeng ki para dkhot.
- v. Ban pynshlur & kyntiew ia ki kam ri jingri (Livestock), kata, ka ri syiar, ka ri sniang, ka ri blang, ka ri masi khem dud bad wat ka kam ri masi bam doh.
- vi. Ban pynshlur & kyntiew ia ki kam ri dohkha (Fishery).
- vii. Ban iarap pyniaid iew (Marketing) ia ia ki mar ki mata jong ki dkhot jong ka society, lem bad ka jong kiwei de ki bym dei ki dkhot jong ka society. Ka jingpyniaid iew ka lah ban long ym tang hapoh ka jylla hynrei shaduh shabar jylla ne shaduh shabar

- Ri. Ban iarap wad lad ban shna ia ki kudam ha kaba ka Society kan lum kan lang (assemble) bad kynshew lang (collective storage) ia ki mar ki mata jong ki dkhot, ha shuwa ban pyniaid iew ia ki ha ka dor kaba kham jem haba ia nujor bad kiwei pat.
- viii. Ban pyntrei bad iarap kyntiew ia ki kam thain jain (Handloom) bad ban pyrshang seng ia ka jaka ai jinghikai pyntbit ia ka kam thain jain.
- ix. Ban pynshlur ne pyntrei & iarap kyntiew ia ki kam thain kria thain shang (Basketry) lem bad kiwei kiwei de ki jingbuh jingsat (Handicraft) ba la shna na u thri, u shken, u siej bad u dieng.
- x. Ban pynshlur bad kyntiew ia ka kam ri ngap (Bee-keeping/ apiculture).
- xi. Ban seng ia ki karkhana shna tiar shna tar (Industrial) kaba kynthup ia ka kam pynmih umsoh umpai (fruit / food processing) ka ban kynthup ruh ia kiwei kiwei kiwei de ki mar bam mar dih.
- xii. Ban buh bad pyniaid ia ki kali kamai (Transport) khnang ban pynsuk ia ka kit ka bah bad ka leit ka wan ka jong ki dkhot lem bad ki para nongshong shnong kiba don hapoh u pud u sam trei kam ka Society. Yn kynthup ruh ia ka jingpyniaid ia ki Ropeway ha ki jaka bym don surok kali.
- xiii. Ban pyrshang ban seng ia kiwei kiwei de ki kam ai jingshakri kyrpang (services) ia ki dkhot bad ruh ia ki bym pat dei ki dkhot jong ka Society.
- xiv. Ban wad lad bad ban iarap seng ia la ki jong ki kam ki jam (create Self-employment) ia ki dkhot ne ki bym pat long ki dkhot jong ka Society.
- xv. Ban thied duh (outright purchase) lane shim wai (hire on rent) ia kino kino ki jaka kiba biang tam eh na ka bynta ka kam jngoh kai pyrthei (tourism).
- xvi. Na ka bynta ka bai seng bai dang, ka society kan lum ia ka kynshew kyrpang (Fund) lyngba ka "Share Capital Contribution ne Subscription" ne 'jingnoh synniang bai seng'. Te kumta iwei pa iwei I dkhot jong ka Society I dei ban sei ia u synniang u bynhei da kaba thied la kumno kumno ym duna kawei ka 'Share'. Ka Sorkar ruh ka lah ban iarap lem da kaba ka thied ia ki 'Share' jong ka Society. Khang ban nang pynheh shuh shuh ia la ka seng ka dang, ka Society ka lah ruh ban shim ram (loan) ne shim kylliang (borrowing) na kiwi kiwei pat ki Coopertative Society lane na ka Sorkar bad wat na ki riewshimet bad yn leh ruh ia kata kat kum ki kyndon ki ban ia mynjur lang da uba bun balang.
- xvii. Ban wad lada da kumno ban pynmyntoi lem ia la ka imlang sahlang, kata, da kaba iarap kyntiew lem ia ka pule puthi, ia ka koit ka khiah, ka kam kilan met ki samla bad kumta ter ter.

5.5 (1) Eligibility of Members: Ki kyndon ban long dkhot:

- a) Kiba lah ban long dkhot ha ka society ki dei ban long kiba la kynjoh ia ka 18 snem shaneng: ki bym don dak sniew ne thohbria; ki bym pat shah rai pynrem ha ka ain; ki bym dap ram dap shah; ki bym don jingshitom ha ka bor pyrkhath pyrdain bad ruh kiba shong ba sah hapoh u pud u sam ba la ai jingbit ia ka Society ba kan trei kan ktah;
- b) Ia ino ino i briew ba la pdiang ban long dkhot ha ka society dei ban pynrung dkhot kat kum ki kyndon jong ka Bye Law jong ka society da kaba pynrung kyrteng ha ka 'Membership register' ne kot kyntiew kyrteng. Dei ruh ban ai ia u nombor (serial number) ha shwa ka kyrteng. Hadien kane I dei ruh ban soi (sign) ia la ka kyrteng ha kane ka kot, kum ka dak ka jingpynshisha ba I la rung dkhot. Ki dkhot ki bym nang ban soi ki dei ban shon shap da ka shympriah kti kmie ka jong ki (ki kynthei da ka shympriah kti kmie kamon bad ki shynrang da ka shympriah kti kmie ka diang).

5(2) Application for Membership:

Kiba thmu long dkhot ki dei ban pyndap ia ka 'form', ba ai u Secretary, ha kaba ki dei ruh ban pyndap haduh katno tylli ki 'Share', jong ka Society, ki kwah ban thied.

5(3) Acceptance of Members:

Ka dei ka General Assembly ka ban pynkup bor ia ka Managing committee. Ka Managing Committee, hadien ba ka lah bishar bniah, ka lah ban pdiang ne kyntait ia ki kita ki phorm ne ia kata ka jingkyrpad ban pynrung dkhot. Kan shim ruh ia ka rai halor ki share, kiba kat kum kata ka jingkwah ka jong kita kiba tyrwa ban long dkhot.

5(4) Commencement of Membership and Minimum Share Holding: (Kaba sdang ka jinglong dkhot bad ka jingbat ia ki shares)

Kane ka mut ba dei ban ai jingtip sha baroh kito kiba kwah ban long dkhot, ia ka Sngi ka Por bad ka Tarik, ba ka Managing Committee ka lah pdiang bad mynjur ia ki ba kin long ki dkhot jong ka Society bad ruh haduh katno tylli ki share la mynjur ba kin synniang ne ba kin bat. Ka Managing Committee ka dei ruh ban pyntip ia ki daw ki dong ba balei kam lah ban pdiang ia kano kano ka jingtyrwa long dkhot. Mano mano ruh yn nym pat dei i dkhot iba pura jong ka Society katba ym pat thied ne synniang la kumno kumno kawei ka Share bad siew dep ruh halor ka bai share bad ka bai rung dkhot hapoh ka society.

5(5) Transfer of Share:

Ka dei tad ynda ioh jingbit na ka Managing Committee ba I dkhot jong ka Society I sa lah ban aiti lem noh ia baroh lane katto katne tylli ki share ki jong I sha ino ino lane kino

kino kiwei pat ki dkhot jong ka Society, lyngba ka jingthoh. Kane ka kam kan nym long pura tad ynda ia ka kyrteng jong ita ne kita kiba ioh ia kata ka bhah la pynrung hapoh ka “Share Transfer Rregister” ha ryngkat bad ka “Share Transfer Fee” (kaba mut ka jingsiew ia ka dor, ba la buh da ka Society, ha kaba iadei bad kane ka jing ai pateng ia ka bhah).

5(6) (a) Nomination of heirs:

(a) I dkhot I lah ban jied ia I nongioh pateng ia ka bhah (share) ka jong I lem bad kano kano ka sut kaba I dei ban ioh, hadien ka jingkhlad noh ka jong ita I dkhot nangne na sla pyrthei. Ha kaba iadei bad kane, ia ita I nongioh pateng dei ban pynrung dkhot shwa tangba ym donkam shuh ban siew ia ka bai rung. Ia ka jingjied ne ka jingweng noh ia I nongioh pateng dei ban long lyngba ka jingthoh kaba I dkhot in ai sha I Secretary jong ka society ha ryngkat bad ka jingsoi lane ka jingshon kti ka jong I ia kaba yn pynshisha da ka jingsoi ka jong ki ar ngut ki sakhi satar. Ia ka kyrteng bad ka jaka sah jong I ne ki nongioh pateng dei ban pynrung ha ka jaka ba la mang kyrpang ha ka register jong ki dkhot. Kine kie kiei baroh kin long tad hadien ka jingmynjur jong ka General Assembly.

5(6) (b) Kumno yn leh lada jia ba u/ka dkhot ba la khlad noh ki khlem jied lypa iano iano ruh ban shimti ia ka bhah bad ka sut jong ki.

Halor kane bad kat kum ki kyndon jong kane ka Bye-Law; ka society ka dei ban ai noh ia kane ka bhah sha ino ino I briew iba ka Managing Committee ka ibit bad idei I ba biang eh ban long I nong ioh pateng. Ia kane dei ban pyndep hapoh lai bnai hadien ka jingkhlad noh ka jong ita I dkhot. Kan long tad yn da ka Managing Committee jong ka Society ka lah ai jingbit ne mynjur ia ita I nongioh pateng ba yn long I dkhot ba pura jong ka Society, kata, kat kum ka ka kyndon 5 (3) jong kane ka bye-law.

(c) Lada I nongioh pateng iba la jied da I dkhot jong ka society, kat kum ki kyndon jong kane ka bye- law 5(6)(a) lane lada ita I nongioh pateng iba la jied da ka Managing Committee, kat kum ki kyndon jong kane ka Bye-Law 5(6)(b), im pat kynjoh ia ka kyrta kaba 18 snem shaneng, ka society kan buh kyrpang bha khop ia kata ka bhah bad ia kata ka sut kaba I dei hok ban ioh pateng na ka bynta ba kan sa aiti pat ha I ynda I lah kynjoh sha ka 18 snem kyrta bad ruh hadien kaba I lah long ruh I dkhot iba pura hapoh ka society, kat kum ki kyndon ba la kdew ha ka Bye-Law.

(d) Lada don u/ka briew ki bym I ia hap ne I biang ban long I nong ioh pateng ia ka bhah ne ka sut jong ita I dkhot iba la khlad noh kat kum ki kyndon jong kane ka Bye-Law 5(6)

(a)(b) lane (c). Lada ka long kumta ka Society ka dei ban siew noh ia kata ka bhah lem bad kata ka sut ka jong ita I dkhot ba la khlad noh ha iwei pat I nongioh kynti lane sha I nongiasaid ain, hadien kata ka jingkhlad noh, kat kum ki kyndon jong ka Bye-Law. Hynrei lada ita I dkhot ba la khlad noh I dei iba bat ne pyndonkam ia kano kano ka jaka ne ka ing jong ka Society ia kata dei ban pynphai biang noh sha ka society, hadien ka jingkhlad noh ka jong I.

- (e) Lait noh tang na kitei ki daw, ba la kdew haneng, ka society ka dei ban siew lut ia ka pisa jong ita I dkhot ba la khlad noh, sha kito ki briew kiba ita I dkhot iba la khlad noh I lah dep jied ban long ki nongioh pateng jong I, kat kum ki kyndon 5(6) (a) jong kane ka Bye-Law; lane sha Ita I briew iba ka Managing Committee ka ibit ia I ba yn long I nongioh pateng.

5 (7) Withdrawal from membership: (Ka jingweng hi noh dalade ia la ka jong ka jinglong dkhot)

Ino ino I dkhot I lah ban weng noh ia la ka jinglong dkhot jong I hapoh ka society, da kaba I ai da ka jingthoh sha I Secretary jong ka Society, 3 (lai) bnai shwa ka kata ka por ba I kwah ba ia I yn weng dkhot noh. Ia baroh ka bhah ka jong I ruh dei ban pynphai lut noh sha I hapoh ka 1 (shi) snem na kata ka Tarik kaba la weng noh ia ka jinglong dkhot ka jong I ha ka society. Ka Managing Committee ka lah ban pynphai noh ia ka bhah ka jong I khlem da ap haduh ban da kut ka snem. Lah ruh ban ai lut noh ia kata ka bhah ka jong I baroh sha ki nongiohpateng ki jong I, kat kum ka kyndon 5 (5) jong ka Bye-Law. Tangba ki dkhot kiba dang sah ka ram ka shah ha ka Society kin nym lah ban weng noh ia la ka jong ka jinglong dkhot ka jong ki ha ka Society katba kim pat pynkhuid dep ia baroh ka ram kaba ki don.

5(8) Discipline and Expulsion of member (Ka jingpynduh ban long dkhot namar ki kam ialeh pyrshah ia ki kyndon & riti trei kam)

- (a) Ka General Assembly jong ka society, na ka bynta ka bha ka miat jong baroh lang, ka lah ban dain kuna; weng noh shwa shipor ia ka jinglong dkhot; pynduh noh syndon ia ka jinglong dkhot bad pynphai noh ruh ia ka bhah bad ka sut jong uno uno ne kano kano ka dkhot jong ka Society; kata, lada ka shem ba ki pynkhein ia kano kano na kino kino ki kyndon ba la kdew harum:-
- (i) Ka jingiaid pyrshah ia ki kyndon ain, kiba kat kum ka Bye-Law jong ka society bad ka Meghalaya Cooperative Societies Act.

- (ii) Ka jingleh pyrshah ia kano kano ka kam bad ia kano kano ka rai kaba bha jong ka society.
- (iii) Kano kano ka thok ka thak, ka jingshukor noh lane ka jingpynkhein ia ka jingiatehkular bad ka Society
- (iv) Ka jingleh pyrshah ia ki kyndon 5(10) (b) &(c) jong ka Bye-Law jong ka Society.
- (v) Ka jingpynsah ia ka ram ba la shim na ka Society haduh 3 (lai) bnai ne palat..
- (vi) Ka jingshim ram na kino kino ki seng ai ram (Bank, Financing Institution) bad ki riew shimet ki bym dei ki dkhot jong ka Cooperative Society.
- (vii) Ka jingshah rai pynrem noh ha ka Ain namar kano kano ka kam be-ain.

Ka jinglap bad jingpynshisha da ka General Assembly ba leh ia ka kam be-ain lane ba leh ia ki kam kiba long mar pyrshah ia ki mat treikam jong ka society.

I dkhot ba la shah weng noh na ka society yn ioh lut ia ka pisa kaba dei ka hok ka jong I, kata, hadien ba ka society ka lah dep ban khate noh ia kano kano ka pisa kaba i shah ha ka.

5(9) Termination of Membership (ka jingduh noh ia ka jinglong dkhot ha ka society)

I dkhot yn duh noh ia ka jinglong dkhot na ka society lada:

- (i) I shah beh noh na ka jinglong dkhot ka jong I.
- (ii) I lah ai lut noh plain ia la ka bhah kaba I bat, hapoh ka society, sha ki nongioh pat-eng jong I.
- (iii) Lada I lah dep ban pynphai lut noh ia ka bhah ka jong I sha ka Society.
- (iv) Lada jia ba I khlad noh na sla pyrthei.
- (v) Lada I dkhot ym lah shuh ban ia trei lang ne ym kwah shuh ban ia trei lang bad ka Society.
- (vi) Ka General Assembly ka lah ruh ban pynduh pyndam noh ia ka jinglong dkhot ka jong ino ino I dkhot, hadien ba lah bishar bniah bad lap ba ita I dkhot I lah poi ha ka kut lad kut lynti bad im lah shuh ban khie khlieh ban siew pyndep lut noh ia ka ram ka shah.

5(10) (a) Ka jingkit jong I dkhot, ha kaba iadei bad ka bynta jong kano kano ka ram ba ka Society ka shim, kan long thik tang kat kum ka bhah ba ita I dkhot I don ne I bat hapoh ka Society.

- (a) Ka society kan nym lah shuh ban pynkit ia ki ram ki shah ki jong ka ha ino ino I dkhot iba lah dep ieh noh ia ka society.
- (b) Man la iwei pa iwei I dkhot I dei ban thied ia ki jingdonkam ki jong I na la ka jong ka Society. I dei ruh ban aiti ha ka Society ba kan pyniaid iew ia la ki mar ki matta ki jong I.

- (c) Haba ka Managing Committee ka khot jingialang, I dei ban poi. I dei ban kohnguh ruh ban trei shithrem, na ka bynta ka jingiamyntoi lang, ia kano kano ka kam kaba ka Society ka bynshet ha ka tyrpeng ka jong I.

5(11) Lada jia ba ka General Assembly ka lap ba u/ka briew kiba biang ban long ki dkhot jong ka society.

Lada jia ba ka General Assembly ka lap iano iano ba ki long kiba bit ban long ki dkhot ki jong ka, hynrei ki bapli kim kot bor pat ban iasnoh kti lang kum ki dkhot ba pura, ka Society kan iarap ia ki da kaba kan shah ia ki ba kin seng noh da ka Self Help Group ka ban trei ktah tang hapoh u pud u sam trei kam jong ka Society. Kan pynrung ia ki tang kum kita ki 'Nominal Member' (ki dkhot ki bym lah ban 'vote' ha kano kano ka election ba ka Society kan pynlong bad kin nym lah ruh ban bat ia kano kano ruh ka kam hapoh ka society).Hynrei ha shwa ba ka Society kan leh ia kane dei ban bud pyrkhing shwa ia kine ki kyndon ba kdew harum:-

- (i) Ino ino iba kwah ban rung sha ka society kum I 'Nominal Member' I dei ban ai da ka jingthoh ne 'application' sha ka Managing Committee bad hadien ba la pdiang ia I da kane ka komiti I dei ban siew ia ka bai rung ne 'admission fee' kumba leh lem kiwei kiwei ki dkhot.
- (ii) Ki nominal member kin nym lah ban thep vote ne ban kit kam hapoh ka society.

6(1) Composition of General Assembly (Ka rukom pynlong ia ka General Assembly)

- (a) Ia ka 'General Assembly' la pynlong da iwei pa iwei I dkhot ba pura jong ka Coooerative Society, kaba kynthup ia ki dkhot jong ka Managing Committee jong ka Cooperative Society. Kiba dang don tang ka jingthmu ban rung dkhot ha ka Society lane kiba dang shu tyrwa rung dkhot (dang shu pyndap ia ki application form) ruh ki lah ban wan sha kine ki jingialang jong ka General Assembly. Ki lah ban ai jingkren hynrei kim lah ban 'vote'.
- (b) Iwei pa iwei I dkhot jong ka General Assembly, kynthup ia ki dkhot ka Managing Committee, I don beit thik tang kawei ka 'vote'. I dkhot iba lah shah weng noh shwa shipor ia ka jinglong dkhot ka jong I yn nym lah ban ia shim bynta haka General Assembly bad kumta ym lah ban 'vote'.
- (c) Ha ka General Assembly, ino ino I dkhot yn nym lah ban 'vote' na ka bynta iwei pat I para dkhot.

6(2) Function and Power of the General Assembly: Ka Kam ram bad ka Bor jong ka General Assembly.

Ha ka Cooperative Society ka bor kaba ha khlieh tam duh ka dei ka General Assembly, hynrei lait noh tang lada ka Society ka don ia kano kano ka ram ba ka shah ha ka sorkar, ne kiwei kiwei pat ki seng kiba ai ram ai shah ia ka lyngba ka jingiarap bad jingbahkhlieh ka Sorkar. Haba ka long kumta ka bor kaba ha khlieh tam duh yn shimti noh da I Registrar of Cooperative Societies lane da iwei pat I briew ba la pynkupbor kyrpang da I 'Registrar of Cooperative Societies', lyngba jingthoh. Ha kaba iadei bad kane ka kam I 'Registrar of Cooperative Societies' I lah ban thung ia ino ino I ophisar, iba hapoh jong I, ba yn bat ia kano kano ka kam jong ka society. I lah ruh ban buh da kino kino dkhot jong ka Managing Committee ne da kaba thung da ka Sub-committee kaba kynthup da ki briew ki bym dei ki dkhot jong ka society. Ia kane lah ban leh da i Registrar of Cooperative Societies lada kine ki ram ki shah ki ktah mat iong ia ka sorkar, lane ia kino kino ki seng kiba ai ram sha ka society lyngba ka jingbthah bad jingbahkhlieh ka sorkar.

Lada ka Cooperative Society ka khlem shah ram ha kitei kiba la batai haneng I 'Registrar of Cooperative Societies' I lah ban shimti noh halade ia ka bor , haba ka I donkam ia I ban ym leh kumta na ka bynta ka bha ka miat jong ki dkhot ka Cooperative Society. I "Registrar of Cooperative Societies I don ruh ka bor ban buh ia ka jingsiew tulop ia kine ki ophisar kiba I thung na ka bynta ba kin peit bad pyniad ia ka cooperative society. Lah pynkhamti ruh ha I ia ka bor ban weng noh ia kino kino ki ophisar kiba I thung na ka bynta kane ka kam.

Ki kam ram jong ka General Assembly ki long kumne ba la kdew harum:-

- a) Ban jied ia ki dkhot jong ka Managing Committee ba kynthup ia I Shongknor (Chairman) bad ia I Symbud Shongknor (Vice Chairman). Hynrei ka jingthung ia I Secretary bad ia I Treasurer kan long katkum ki kyndon ba la kdew ha ka Bye law 7 (5) (i).
- b) Ha ka jingialang kaba shisien shi snem jong ka General Assembly dei ban pule bad tai sani bha ia kine – ka kaiphod ba shi sien shi snem (Annual Report), ba la wan rah kyrpang da ka Managing Committee; ki kaiphod ba iadei bad ka jing 'audit' ia ka society (Audit Report) bad ruh baroh ki jingkhein jingdiah ba la dep ban audit haduh kaba kut u snem (Final Accounts). Ia kine dei ban leh khnang ban lah ban sngewthuh shai kumno ka Society ka long, kat kum kata ka rukom trei kam jong u snem uba la leit noh.
- c) Ban jied ia ki nongbishar bniah (internal auditor) ha kaba iadei bad ka lut ka sep bad kumjuh ruh ia ki jingkhein jingdiah bad ban pyniaid beit bad ryntih ia ki baroh, kumba dei

ka rukom. Ki nongbishar bniah ia kane ka kam kim dei ban dei ki dkhot jong ka Managing Committee. Ka Society ka dei ban buh da ka jingsiew ia ki na bynta kane ka kam.

- d) Ban rai ia ka dor (sitting fees) ban siew ia ki dkhot jong ka Manaaging Committee & ki dkhot ka Sub Committee, ha man ka sien kaba ki shong jingialang pyrkhath kam. Ban rai ha ka jingialang jong ka General Assembly, kaba shi sien shi snem, da kumno bad haduh katno na ka jingiohnong (Net Profit) ha kaba kut u snem yn ia sam bynta, Kane kan long kat kum ki kyndon jong ka Bye-Law 10 (1).
- e) Ba kum ki dkhot jong ka General Assembly kin da ia phylliew jingmut jingpyrkhath bha bad ia tai sani bha ruh ia ki kam ki jam kiba yn pyntrei kam na ka bynta ka lawei baphyrnai jong ka Coopearative Society.
- f) Ban sngap, ban shah shkor bad ban bishar ia kino kino ki jingujor pyrshah ia ka Managing Committee lane ia ki nongkit kam ka Society. Ban bishar ia kino kino ki rai ba la shim ban pyntrei kam da ka Managing Committee. Ka General Assembly ka lah ruh ban jied da iwei pat ban long kum I dkhot jong ka Managing Committee haba don mano mano ba iehnoh ia ka jinglong dkhot ka jong I hapoh ka Managing Committee. Ka don ruh ka bor ban weng noh ia u /ka dkhot na ka Managing Committee da ka jing ia vote (vote of no confidence).
- g) Dei tad hadien ka jingia mynjur lang, da uba bun balang, ba ka General Assembly kan sa ai bor ban pyntrei kam ia kata ka mang pisa (Annual Budget) ba shisien shisnem jong u snem u ban sa wan.
- h) Ban buh kyndon haduh katno ha ka shi snem ka society ka lah ban shim ram shim shah bad ruh katno ha ka shi snem yn siew ia ka sut halor ka pisa kaba ki dkhot ki kynshew ha ka Cooperative Society.
- i) Ban rai halor kano kano ka jingkhath sngewbha ia kino kino ki riew shemphang ba kin long lem ki dkhot jong ka society. Ha kajuha ka por lah ban thung ruh ia ki kum ki dkhot jong ka Managing Committee. Hynrei ka General Assembly ka don ruh ka iktiar ban weng noh ia ki na ka Managing Committee bad na ka jinglong dkhot jong ki ha ka Society.
- j) Ban ia tai bad ban shim ia ki rai kiba iadei bad kino kino ki jait kam ba la wanrah kyrpang da ka Managing Committee (ha kata ka jingialang jong ka General Assembly).
- k) Ban pynrung ia kino kino ki dkhot jong ki Self Help Group (SHG) ba kin long kum ki 'Nominal Member'.

6(3) Meetings of the General Assembly: Ki jingialang jong ka General Assembly

- a) Ka dei ka kam ram jong I Secretary ban khot ia ki jingialang jong ka General Assembly, kat kum ka jing bthah I Shongknor (Chairman) ne jingbthah ka Managing Committee. I Secretary I dei pynpoi jingtip 15 (khatsan) sngi shwa, sha baroh ki dkhot jong ka General Assembly, kynthup ruh ia ki Nominial Member. Ha kane ka jingpyntip (notice) dei ban da kdew shai ia ka Tarik, ia ka Por, ka Jaka ban pynlong jngialang bad ruh ia ki mat ne Agenda, ban ia tai ha kata ka jingialang ba yn khot pynlong. Nalor kita ki mat ba lah buh ban ia kren ha kum kine ki jingialang dei ruh ban pynrung kyrpang sa ia ka mat “ki-wei kiwei de, lada don” khnang ban ai lad ia ka General Body ne ki dkhot ba kin lah ban ia kren bad ia tai ne ban kylli pyrthew ia kano kano ka mat kaba ki sngewdei ban ia kren lait noh ka mat kaba iadei bad ka jingai jingmut ban pynkylla ia ka Bye-Law; ka jingweng dkhot; ka jingweng nongkit kam. Lah ban ia kren halor kitei ki mat tang lada ar na lai bynta (2/3) jong ki dkhot kiba iadon hangta ki ia mynjur lang.

Kino kino ki rai jong kata ka jingialang kin duh kin dam noh lada don ino ino I dkhot I bym shym la lah ban ioh poi sha kata ka jingialang tang namar ba I khlem ioh ia jingpyn-tip ha ka por kaba biang.

- b) Ka General Assembly ka lah ruh ban khot pynlong ia ka jingialang kaba kham kyrpang ka jong ka lane ka ‘Special General Meeting’ ia kaba dei ban khot da I Secretary lane da I Assistant Secretary lada jia ba I Secretary ym lait. Ia kane ka jingialang lah ban pynlong kat kum ka jngai jingmut jong ka Managing Committee ne I Shongknor (Chairman) ne I Registrar of Cooperative Societies bad dei ban kdew shai ruh ia ki mat ban iatai. Ia kane ka jingialang dei ban pynlong hapoh 3 taiew na ka tarik ba la ioh pdiang ia kane ka jingkyrpad. I Registrar of Cooperative Societies i lah ban khot ia kane ka jingialang da lade lane ban ai bor ha kiwei pat ban pynlong ia kum kine ki jait jingialang.
- c) Ia ka jingialang ba shisien shi snem jong ka General Assembly (Annual General Meeting) dei ban pynlong mar syndep pura ka Audit, ba la leh da ki brierw jong ka Cooperation Department, dei ban pynlong ruh ia ka hapoh 6 bnai hadien ba la dep pura ia ka Audit.
- d) (i) I Shongknor jong ka society yn pyniaid ia ka jingialang jong ka General Assembly, hynrei lada ym lait ban poi sha ka jingialang na ki daw bym lah ban kiar, I Symbud Shongknor (Vice Chairman) yn pyniaid ia ka jingialang jong ka General Assembly. Lada jia ba I Shongknor bad I Symbud Shongknor kim lah ban poi sha ka jingialang ne ki kyntait ban long kum ki nongpyniaid jong ka jingialang, ki dkhot kiba don ha ka jingialang kin jied da iwei pat napdeng jong ki ban pyniaid ia ka jingialang.

- (ii) I Shongknor I dei ban khmih pynthikna ba ka jingialang kan ia id beit ia id ryntih khlem kano kano ruh ka jingpynthut. I dei ban peit ba yn nym ia kdat ruma na ki mat ba la mang lypa. Ka rai ka jong I kan long kaba khatduh, ia kaba kiwei pat ki dkhot kin nym lah ban pynkylla.
 - (iii) I Shongknor i lah ban beh ia ino ino i dkhot, i ba pynmih ia kano kano ka kynrum ne jingklumar ha ka por ba dang ia id ka jingialang bad nym shah ruh kum ia ita i dkhot ban ai ia ka vote jong i khlem da ioh jingbit shwa na ita i shongknor.
 - (iv) I Shongknor I don ka bor ban pynsangeh noh ia ka jingialang, lada jia ba mih kano kano ka kynrum kynram. Yn pynbeit ban khot pynlong biang ia ka ha kawei pat ka Tarik. Yn buh ruh ia ka por bad ia ka jaka ban pynlong biang ia ka, kat kum ki kyn-dom jong ka ain 6(3) (e) Lah ban pynlong lane pyniad shaphrang ia ka jingialang (AGM) tang lada ka jingpoi jong ki dkhot ka long 2 (ar) na ka 3 (lai) bynta lane (2/3) na ka jingdon jong baroh ki dkhot jong ka Society. Yn nym lah ban pynlong ne pyniad shaphrang ia ka jingialang lada jia ba ka jingwanpoi ki dkhot kam long kat kum katei ka kyndon ba la kdew haneng bad kumta I Shongknor (chairman) yn hap ban pyntip sha ki dkhot ba ia kata ka jingialang lah hap ban pynsangeh noh shwa. Yn rai ruh hangta hi ia ka Tarik, ka por bad ka jaka ban sa pynlong biang ia ka. Ia kum kata ka jingialang dei ban pynlong hapdeng ka 7 (hynniew) sngi bad ka 14 (khatsaw) sngi, na kata ka tarik ba lah pynsangeh noh ia ka jingialang. I Shongknor I dei ban ai jingpyntip ia kane sha baroh ki dkhot kat kum ki kyndon jong ka Bye-Law 6(3) (a). I dei ban pynpoi ia kane ka jingpyntip 4 (saw) sngi shwa kata ka sngi ba I khot pynlong biang ia ka jingialang.
- e) Hynrei lada ha kata kawei ka jingialang ruh ka jingwan poi ka jong ki dkhot kam long kat kum ka kyndon 2 (ar) na ka 3 (lai) bynta lane (2/3) na ka jingdon jong baroh ki dkhot hapoh ka society, ia kata ka jingialang dei ban pyniaid beit noh bad ban niew ne shim ruh ia baroh ki rai ba la ia rai hangta ba kyn long kat kum ka jingrai jong uba bun balang lane ka rai jong u 3 (lai) bynta na ka 4 (saw) bynta lane (3/4) jong ka jingdon ki dkhot ba poi sha kane ka jingialang bad kiba don ruh ia ka hok ban ai ia ka vote ka jong ki.
- 6(3)(f) Kano kano ka rai, hapoh ka jingialang jong ka General Assembly, kan nym ieng lynda ka dei ka rai jong uba bun balang, ia kaba yn pynshisha da ka jingbun ki vote kiba kyrshan ia kata ka rai. Ka dei ban long kumta lait sa tang lada la batai da kumwei pat. Hynrei lada jia ba ka vote ka iaryngkat, U shongknor u lah ban thep vote biang sa shisien, bad thep kyrshan ruh sha kano kano ka liang kaba u mon. Ka jingai ia ki vote ha ka General Assembly ka lah ban long da kaba shu ia rah kti para dkhot. Lad don kano kano kaba dei ban ia rai da kaba 'vote khlem da pynpaw' lane da ka 'Secret Ballot', I shongknor I dei ban pynbiang ia ki 'Secret Ballot' na ka bynta kane ka kam.

6(3)(g) I shongknor, da kaba pyndonkam ia ka bor ba la pynkhamti ha I, I lah ban khot sngewbha ia ino ino I bym dei I dkhot jong ka Cooperative Society ba yn wan kyrpang sha ka jingialang jong ka General Assembly khnang ba yn lah ban ia sam lem ia kano kano ka jingnang ka jingtip ne ka jinghikai ba kyrpang, ka ban pynmyntoi lang ia baroh lane na ka bynta ka roi ka par jong ka Society. I ba kum ita yn nym lah pat ban 'vote'.

6(3)(h) I Secrerary I dei ban kyntiew ia ka kyrteng jong baroh kito ki dkhot kiba poi sha ka jingialang jong ka General Assembly bad ruh ki rai ba la shim bad kyntiew shai ruh ia ki hapoh ka "Proceeding Register. Ia ki rai ba la kyntiew ha ka 'Proceeding Register' dei ban da soi da U shongknor, hadien ba la dep pule ia ki bad la pdiang bad mynjur ia ki da ki dkhot kiba don ha ka jingialang. Ia kane ka bynta I shongknor I lah ruh ban leh ynda ha kawei pat ka jingialang jong ka General Assembly. Ki rai kiba la kyntiew ha ka Proceeding Register ki dei ban long thik kat kum ba la ia rai lang da ki dkhot, hangta hapoh ka jingialang bad ym da kumwei pat.

7(1) Composition of the Managing Committee: Ka jinglong jingman jong ka Managing Committee.

(1) Ia ka Society dei ban khmih, pyniaid bad sharai da ka Managing Committee, ia kaba la pynkupbor kyrpang da ka General Assembly. Ym dei ban don palat 10 (shiphew) ngut ki dkhot ha ka 'Managing Committee'lane 21 ngut lada dei ki society kiba don da ki spah ngut ki dklhot, kynthup ia I Shongknor bad I Symbud Shongknor. 2 (ar) ngut na ki dkhot jong ka 'Managing Committee' ki dei ban dei ki kynthei lane ki longkmie lait noh haba ka Society kam don ki dkhot kiba dei ki kynthei. Ia I Secretary, iba long I dkhot iba kyrpang dei ban thung da ka 'Managing Committee'. Ha kajuha ka por ki nongkitkam (Office bearers) kin long ruh ki dkhot jong ka Managing Committee. Nalor ki dkhot ba la don lypa ha ka Managing Committee, ka Managing Committee ka lah ruh ban kynthup shuh sa ia kiwei pat ki briew ia kiba yn jied bad thung kyrpang ia ki kat kum ki kyndon jong ka Bye Law 6(2).

7(2) Election of Members to the Managing Committee: Ka jingjied ia ki dkhot sha ka Managing Committee.

(a) Ki dkhot jong ka Managing Committee ki dei kito ki dkhot jong ka Society kiba lah shah jied ha ka General Assembly, lait noh ia kito ki briew ba la jied kyrpang. Bunsien ki dkhot kiba shah jied sha ka Managing Committee ki dei ki briew kiba lah ioh lane lah pyndep ia kino kino ki jinghikai kiba kyrpang halor ki Cooperative Soci-

eties; ki lah ban dei ruh ki briew kiba don ia ka sap kyrpang, kaba kat kum ki kam kiba ka Society ka trei. Ka samoi trei kam (Tenure), jong ki dkhot jong ka Managing Committe kam dei ban palat ia ka 5 snem. Kane ka kyndon kan ym treikam ia kito ki dkhot ba la jied bad thung kyrpang da ka Managing Committee.

- (b) Kat kum ki kyndon 6(2)(g) bad 7(1) jong ka Bye-Law, ka dei ka kamram jong ka General Assembly ba kan jied, ia ki dkhot jong ka 'Managing Committee', da kaba shu ia vote ha ka jingialang kaba shisien shi snem jong ka.

7(3) Termination of Membership of the Managing Committee: Ka jingpynduh noh ia ka jinglong dkhot ha ka Managing Committee.

U/ ka dkhot jong ka Managing Committee lah ban shah weng dkhot na ka lada:

- (1) Ka General Assembly ka shem hadien ba ka lah bishar bniah ba ita I dkhot jong ka Managing Committee I lah poi ha u pud ba ym lah shuh ban khie khlieh kat ban siew dep noh ia ki ram ki shah ki jong I ha ka society.
- (2) U /ka dkhot ym don shuh ha ka met ba koit ba khiah. Ym lah shuh ban trei ia ki kam hapoh ka society.
- (3) I dkhot I ba pep jingialang haduh 3 sien kynthih, khlem da pyntip sha ka Managing Committee lane khlem kano kano ka daw ka dong kaba biang; lada I kyar ban pyndep ia la ka kamram ba la bynshet ha I da ka society; lada I leh kaei kaei ka kam kaba ktah mationg ia ka society. Ha kaba iadei bad kane ita I dkhot I lah ban shah weng noh shipor na ka Managing Committee.
- (4) Lada I dkhot I lah shah rai pynrem ha ka ain, na ka bynta kano kano ka kam beain ba I la leh.
- (5) Lada I dkhot da lade hi I kwah ban weng hi noh ialade na ka jinglong dkhot ka Managing Committee, lyngba ka jingpyntip da ka jingthoh sha ka Managing Committee. Ka Managing Committee ka dei ban pdiang bad ai jingmynjur ia kata ka jingkwah ka jong I ha shwa ban kut ka 3 taiew, naduh ka tarik ba ka ioh ia kata ka jingpyntip ieh noh kam ka jong I.
- (6) Lada jia ba I Secretary I shim tulop na ka society khlem pat da ioh jingbit na I Registrar of Cooperative Societies.

7 Filling of vacancy in the Managing Committee: Ka jingthung ia kino kino ki kam kiba lait hapoh ka Managing Committee.

- 7(4) Lada don ka kam kaba lait hapoh ka Managing Committee; hynrei lait noh lada ka Society ka pyntreikam da ka kyndon 6(2) jong ka Bye-Law. Ka jingjjied bad jingthung dkhot sha ka kam kaba lait ha ka Managing Committee kan long ha kawei pat ka jingialang ba shisien shi snem jong ka General Assembly.

7(5) Lada ka Bye-Law bad ki rai jong ka General Assembly kim khang. Ka Managing Committee kat kumba la pynkup bor ia ka kan pyntrei ia kine ki kam jong ka society ba la kdew kumne harum:-

- (i) Ban thung "Sub Committee", kat kum ki kyndon 7(7) jong ka Bye-Law bad ia ka bor ka jong ka 'Sub Committee' yn rai hi da ka Managing Committee.
- (ii) Ba kan peit bniah ia ki kam jong ka society; ban rai halor ka kam thung kam tung jam bad ruh ka dor siew ne bainong ia kita ki nongtrei; ban khmih thuh ia ki kam ia teh kular bad ban ia soi pynshkem ia ki kular kat kum ka kyndon kaba 8 jong ka Bye-Law; ban weng kam shipor ne beh kam noh shi syndon ia ki nongtrei ba la thung kam hapoh ka Society; ban thung ia I Treasurer bad ia I Secretary ha ryngkat kaba buh ia ka dor ban siew ia ki.
- (iii) Ban pynkupbor lem bad ka iktiar, (ha ryngkat ki kyndon ne khlem da buh kyndon) ia katto katne lane ia baroh ka bor bad ka iktiar jong ka Managing Committee ha ino ino I nongkit kam jong ka Society ne ha ka Sub-Committee ba la thung kat kum ka kyndon 7(7) jon gka Bye-Law.
- (iv) Ban khmih bad ban peit pyrman ia ki kam ki jam jong kano kano ka 'Sub Committee' bad ruh ia ki dkhot nongkit kam.
- (v) Ban khmih bniah ia ka kot ha kaba dei ban kyntiew ia ki mar ki mata jong ka society(stock register) kiba khlem pat die; ban pynthikna ba kine ki mar (bym pat die) ki long kiba bha bad kiba dang biang ban pyniaid iew; ban buh ka dor die ia kine ki mar; ban kyntiew ne pynhiar ia ka dor die ka jong ki na kaba la dep buh, kat kum ka jinglong ki mar bad ruh kat kum ka jinglong jingman jong ka iew ka hat; ban buh jingkhein ia ki mar ki mata ki bym da long shuh ban die bad ban buh ia ka dor ban die lilam noh ia ki; ban ai jingbit ban thied noh da ki mar kiba thymmai na ka bynta ban die pateng pat ia ki sha kiwei.
- (vi) Ban khmih bad bishar bniah ia ki jingkhien jingdiah khamtam ha kaba idei bad ki jingkhein jingdiah ha ka kot buh jingkhein ia ki mar ki mata (Stock Register); ki jingkhein jingdiah ha ka kot ba kynteiw ia ki mar ba lah dep die (Sales Day Book) bad ki jingkhein jingdiah ba la kyntiew ha ka kot ba ju kyntiew ia ka jingioh bad ia ka jingpynlut ia ka pisa pilian (Cash Book).
- (vii) Ban pynkhreh bad ban shna ia ka Balance Sheet, ynda haba la kut u snem (kata ka mut ha ka 31 tarik lber jong uno uno u snem).
- (viii) Ban wad lad ban kyntiew ia ka jingdon ka pisa ka pilain.
- (ix) Ban iasaid, ne iakhun ne iasuk lada jia ba kum ia-takhuh bad ka Ain.
- (x) Ban peit ba ki tiar thew, tiar woh jong ka Society, ki biang bad kim don kano kano ka jingbakla ne jingduna.

- (xi) Ban shah shkor bad bishar ia ki jingujor pyrshah ia kano kano ka rai; ne ia ki non-gtrei; ne nongkit kam jong kano kano ka 'Sub-Committee'; ne iano iano ba kano kano ka 'Sub-Committee' ka don ban uxor pyrshah.
- (xii) Ha kaba ia dei bad ka kam jaka puta, ka Managing Committee ka dei ban pynkhreh bad pynbit pynbiang nadong shadong khnang ban lait na kano kano ka kynrum kynram hadien habud. Kata ka lah ban dei ka jaka kaba yn thied duh, ne ka jaka ba shu ai sngewbha dano dano, ne ka jaka kaba yn shu shim wai na ki nongaiwai.
- (xiii) Ban leh ia kaba dei eh khnang ba ka rukom pyniaid ia ka Society kan long kaba iaid beit iaid ryntih khlem kano kano ka kynrum kynram.

7(6) Meetings of the Managing Committee: Ki jingialang jong ka Managing Committee

- (a) Notice of the meetings: Ki jingpyntip ha kaba iadei bad ki jingialang

I secretary I dei ban ai jingtip, sha baroh ki dkhot jong ka Managing Committee bad ban pynpoi ruh ia kata ka jingtip 4 (saw) sngi shwa kata ka Tarik ba la pynbeit ban don kata ka jingialang. Ha kane ka jingpyntip dei ban thoh shai ia ka Tarik, ka por bad ka Jaka ha kaba yn pynlong ia kata ka jingialang. Dei ban da kdew shai (thoh) ruh hangta ia ki mat (Agenda) ki ban ia tai sani bha ha kata ka jingialang. Ki rai jong ka Managing Committee kin long be-ain lada jia ba ki don ki dkhot jong ka Managing Committee ki bym lah ban poi ha kata ka jingialang namar ka jingbym ioh jingpyntip ka jong ki ha ka por ba biang.
- (b) Monthly meeting: Ki jingialang ba shisien shi bnai. Ka Managing Committee ka dei ban khot pynlong jingialang la kumno kumno shi sien shi bnai.
- (c) Ia ka jingialang jong ka Managing Committee dei ban pyniad da U Shongknor jong ka Cooperative Society. U Symbud Shongknor yn pyniad ia ka jingialang lada u Shongknor, namar ki daw kiba um lah ban kyar, um lait ban pyniaid ia ka jingialang. Lada jia ba u Shongknor bad u Symbud Shongknor kim lah ban poi sha ka jingialang ne ki kyntait ban pyniaid ia ka jingialang ki dkhot kiba don ha ka jingialang ki lah ban jied da uwei pat u briew na pdeng jong ki ba un pyniaid ia ka jingialang kat kum ki kyndon 6(3)(d) jong ka Bye-Law.
- (d) Quorum : Katno donkam ban ia poi lang ki dkhot jong ka Managing Committee:-Ha kaba ia dei bad ka Managing Committee Meeting, bad khnang ban lah ban pynlong ia ka jingialang bad ban shim ruh ia ki rai, la kumno kumno shiteng shiliang na ki dkhot jong ka Managing Committee ki dei ban ia poi sha ka jingialang. Lada ka jingwan jong ki dkhot ka duna bad kam kot kat kum ka kyndon ba la kdew haneng, U shongknor u dei ban pyntip sha ki dkhot ba ia ka jingialang dei ban pynsangeh noh shwa hynrei ia kane ka jingpynsangeh ym dei ban palat ia ka 7 sngi. Ia kito ki juh ki mat ba la buh ban ia tai ha ka jingialang ba la pynsangeh noh dei ban rah bad buh biang ia ki ha kata kawei pat ka jingialang ban sa khot pynlong. Ha shwa ban khot pynlong biang sa shisien ia kata ka Managing Committee dei ban da pyntip

biang ruh sha baroh ki dkhot jong ka Managing Committee. Ha kata ka jingpyntip dei ban da kdew shai bha ia ka Sngi, ka Tarik bad ka Por ban pynlong ia kata ka jingialang. Dei ban pynpoi ia kata ka jingpyntip (notice), sha baorh ki dkhot, 2 (ar) sngi shwa kata ka Tarik ba la buh. Hynrei ha kata ka sien khot kaba ar, wat lada ym lah ban poi mar shiteng shiliang ki dkhot, pynban la lah beit ban pynlong bad ban pyniaid beit noh ia kata ka jingialang bad kat ka rai, kaba ki lai pawa (3/4) kin shim kin long kiba ieng bad kiba ksan.

- (e) Voting: Ka jing ai ia ka vote ha ka Managing Committee da ki dkhot jong ka: Kano kano ki rai, jong ka Managing Committee, kan ieng tang lada ka dei kaba la rai ne mynjur lang da uba bun balang, ia kaba yn pynshisha da ki votes, lait noh satang lada la batai da kumwei pat. Lada jia ba ka don ka jingiakhaid, I Shongknor i lah ban ai ia ka rai ne ia ka 'vote' ka jong i ban pynksan ia kano kano ka liang kaba i sngewdei ban pynksan. Ki dkhot ka Managing Committee ki lah ban pynpaw ia ka jingkyrshan ka jong ki tang da kaba ia shu ia rah ia la ki kti. Ia ka jingai ia ki vote ha ka Managing Committee ka lah ban long da kaba ki shu ia rah kti kata lada ym da donkam ban ia rai da ka 'secret ballot'.
- (f) U shongknor, kat kum ba la pynkup bor, u lah ban khot sngewbha ia ino ino i dkhot jong ka Self Help Group, ba don hapoh u pud u sam ka jaka trei kam jong ka Society, ban long kum I Nominal Member jong ka Society bad ba yn ia don lang lada donkam, khnang ba yn lah ban iasam lem ia kano kano ka jingtip ne ka jingtbit kaba kyrpang ka ban long ka jingmyntoi ia ka Society. Hynrei iba kum ita I nong-shah khot sngewbha yn mym lah pat ban vote.
- (g) U Secretay u dei ban thoh shai ne kyntiew, ha ka Proceeding Book, naduh ka kyrteng jong baroh ki dkhot kiba la ia poi sha ka jingialang lem ruh bad ki rai kiba ka jingialang ka la shim. Ia kita ki rai dei ban da soi, kum ka jingpynshisha da u Shongknor hadien ba la pule, pynsngew bad ia mynjur lang ruh ia ki da baroh ki dkhot kiba don ha kata ka jingialang. Ia kane ka bynta u shongknor u lah ban leh ha kawei pat ka jingialang jong ka Managing Committee ruh. Ki rai kiba la kyntiew ha ka Proceeding register ki dei ban long thik kat kum ba la rai lang da ki dkhot hapoh ka jingialang bad ym da kumwei pat.

7(7) Opening of New Branches and Formation of Sub-Committees: Ka jingplie shnat trei-kam bad ka jingseng ia ki Sub-Committee.

- a) Ka Managing Committee ka lah ban seng, ha kino kino ki bynta kiba pher ba pher, ia kano kano ka tnat trei kam ka jong ka kaba kat kum ka Bye Law jong ka. Ha shwa ia kata ka Society ka dei ban da thoh shai bha halor kano ka nongrim ba ka don ia kum kata ka jingthmu lem ruh bad ia ki kyndon trei kam jong kita ki tnat trei kam. Ia ka kaiphot halor kane ka jingthmu dei ban pynpoi sha I Registrar of Cooperative Societies kum ka jingpyntip bad kum ka jingpan jingbit na I. Ka society ka

dei ruh ban buh ia ki kyndon kiba iadei bad ka jingthied bhah ne thied Share da kiba don jingmut ban rung dkhot ha kata ne kita ki tnat trei kam kiba ka Society ka don jingmut ban seng ne plie. Ka Society kan nym lah ban seng ia kano kano ruh ka tnat trei kam ka jong ka khlem da ioh shwa ia ka jingbit na I Registrar of Cooperative Societies.

- b) Ka Managing Committee ka lah ruh ban seng ia ki Sub-Committee ki ban pyniaid bad peit pyrman ia kano kano ka tnat trei kam jong ka society. Kita ki Sub-Committee ki dei ban don 3 (lai) ngut ki dkhot ha kaba yn kyntup lang ruh ia I Shongknor, I Symbud Shongknor, I Secretary bad ia I Assistant Secretary ba la jied da ka Managing Committee, napdeng ki dkhot ba kyrpang ne napdeng ki dkhot ka Society ha ryngkat ka jingpynkup bor da ka Managing Committee ba kin pyntrei ia kano kano ka kam jong ka tnat kaba dei na bynta ka bha ka miat jong ka Society hi baroh kawei. Ka Managing Committee ka dei ban jied ia I Shongknor bad ia I Secretary jong man la ki Sub Committee, kiba ka society ka seng. Ia ka Managing Committee la pynkup bor ba kan peit bad iarp lem ia kino kino ki kam ki jam jong kine ki Sub Committee. Ha kano kano ma ka por, I Secretary jong ka Managing Committee I don ia ka bor bad ia ka hok ba in peitthuh bad bishar thuh ia ki kot ha kaba la kyn-tiew ia ki rai ba la shim ha ki jingialang ba la pynlong da ki Sub Committee bad ruh ia kiwei kiwei de ki kot ki sla jong ki Sub Committee. Ka Managing Committee ka don ruh ka bor ban pan ia ki kaiphod na I Secretary jong kano kano ka Sub Committee, kiba iadei bad ki kam ki jam ki jong ka.
- c) Man la ki Sub Committee ki dei ban wanrah ia ki kaiphod trei kam ki jong ki sha ki jingialang, ba shi sien shi bnai, jong ka Managing Committee khnang ba ka Managing Committee kan bishar lada donkem ne em ban pynkylla noh ia kano kano ka bor ba la pynkhamti ha ki Sub Committee lane na ka bynta ban bthah ia ka Sub-Committee ba kan trei ia kano kano ka kam.

7(8) Meetings of Sub Committee: Ka jingialang jong ka sub komiti

- (a) Notice of meetings: Ki jingpyntip ha kaba iadei bad ki jingialang – Dei ban ai jingtip 24 kynta shwa ban pynlong ia kino kino ki jingialang jong ka Sub Committee bad ha kane ka jingpyntip dei ban thoh shai ia ka tarik, ka por bad ka jaka ban pynlong ia ka jingialang tang ba ha kane ka jingpyntip ym da donkam ban thoh ia ki mat ban iakren ha ka jingialang. Ia kane ka jingpyntip dei ban pynpoi sha baroh ki dkhot jong ka sub komiti. Lada ino ino i dkhot i khlem ioh pdiang ia ki jingpyntip, hapoh katei ka por ba la kdew haneng, ia ka jingialang bad ia kino kino ki rai ba shim hapoh jong ka yn khein ba ki long beain bad ym lah ban pyntreikam ia ki laitnoh stang lada I secretary jong ka Sub Committee I lah ban pynshisha ba ia ki jingpyntip la pynpoi hapoh ka por ba biang sha baroh ki dkhot lane ia ki jingpyntip la pynpoi ha ing ha sem jong ki dkhot. Ha ka jingshisha kan jin da long kaba bha shibun eh lada ki dkhot jong ka Sub Committee, ba poi sha ka jingialang, kin ia buh lypa

bad mynjur lypa noh ia ka Tarik, ka Sngi bad ka Por ban pynlong ia ka jingialang ka jong u bnai u ban sa wan. Da kane ka rukom yn nym donkam shuh ban da ai ia ki jingpyntip kaba kyrpang sha baroh ki dkhot.

(b) Frequency of meetings: ka jingpynlong ia ki jingialang na ka por sha ka por

Ka sub komiti ka dei ban pynlong ia ki jingialang barabor, kat kum ki jingdonkam, khnang ba kan lah ban pyntrei ia kino kino ki kam kiba ka la bah khlieh. Ino ino I dkhot I lah ban kyrpad ia ka Sub Committee ba kan buh ia kano kano ka jingialang lada donkam. Ha kaba iadei bad kane ka Sub Committee ka dei ban kohnguh ban khot ia ka jingialang.

(c) Quorum: Ia ki jingialang jong ka sub komiti lah ban pynlong la da 2(ar) ngut ki dkhot ki poi sha ki jingialang.

(d) Voting: ka jing ia vote - Kino kino ki rai, jong ka Sub Committee, kin ieng kin ksan tang lada ki dei ka rai jong uba bun balang lyngba ki votes ba ki dkhot ki ai, lait noh sa tang lada la batai da kumwei pat. Hynrei lada jia ba ka vote ka iaryngkat I shongknor I lah ban thep vote biang sa shisien ban pynksan ia kano kano ka liang kaba I sngewdei. Lada I Shongknor ym poi sha ka jingialang I Secretary jong ka Sub Committee I lah ban shimti ha ka jaka jong i shongknor. I dkhot ka Sub Committee ruh yn nym lah ban vote na bynta kiwei pat.

7(9) Validity of Acts Performed: Ha kaba iadei bad ka bor ba la pynkhamti

Yn nym lah ban pynkhein ne pynduh pyndam noh ia ka bor ba la pynkhamti ha ka Managing Committee ne Sub Committee ne ha ki nongkitkam jong ka Society tang na ka daw ba ka don ka jingbakla ha ka rukom ba la jied ia ino ino I dkhot jong kawei na kitei ki Committee lane ia ino ino I nongkitkam.

7(10) Supervision and guidance over business affairs of members: Ka jingpeit pyrman bad ka jingsharai ia ki kam ki jam jong ki dkhot jong ka Society.

Kino kino ki dkhot jong ka Managing Committee ki lah ban khmih bad peit bniah ia kino kino ki kam kiba iadei bad ka society, ia kaba la bynshet ha kino kino ki dkhot da ka society. Ha kaba iadei bad kane ka kam ki dkhot jong ka Managing Committee ki lah ruh ban pan ia ki kot ki sla na ka bynta ban peitthuh bishar thuh bha. Ka dei ka kamram jong ki dkhot ba kin kohnguh kumba la bthah, ha kaba iadei bad kane, kim dei ban khanglad ia kino kino dkhot jong ka Managing Committee ba kin rung ha kano kano ka bynta jong ka jaka trei kam jong ka Society.

8 Office bearers and employees: Ki nongkitkam bad ki nongtrei jong ka society

8 (1) Election of office bearers: Ka jingjied ia ki nongkitkam

- (a) Kat kum ki kyndon 6(2) jong ka Bye-Law, yn nym lah ban jied iano iano ban long ki nongkitkam jong ka society lynda ki dei shwa ki dkhot jong ka General Assembly jong ka Society bad dei ban jied ruh kat kum ka kyndon. Ki nongkitkam ki lah ban pdiang ia ka tulop na ka Society tad hadien ba ki lah ioh ia ka jingbit na i Registrar of Cooperative Societies bad kan longkumta kumjuh hi ha kaba iadei bad ka tulop jong I Secretary kumjuh ruh ia I Treasurer jong ka society.
- (b) Ka General Body/Managing Body ka lah ban weng noh ha kano kano ka por, ia ki nongkitkam jong ka society, na ka kam ba ki bat, lyngba ka jingia vote.
- (c) Lada jia ba ki nongkitkam ki iehnoh dalade ia ka kam ba ki bat hapoh ka Society I Shongknor ne Symbud Shongknor (lada jia ba I Shongknor ym don) I lah ban thung bujli noh da iwei pat I nongkitkam, kat bym pat ioh jingbit na ka Managing Body, kat kum ka Bye-law 7(4).
- (d) Lada kino kino ki nongkitkam ki pynkhein ne ialeh pyrshah ia ki ain bad ki kyndon, kiba iadei bad ki kam ba ki bat hapoh ka Society, I Songknor ne Symbud Shongknor (lada I Shongknor ym don) I dei ban shimti noh ha lade ia ka kam ka jong ki lane yn thung noh da ino ino i dkhot jong ka Managing Committee ban trei noh ia baroh ne ia katto katne ki kam ba kita ki dkhot kiba la pynkhein ia ka ain ki bat.

8(2) Appointment of Employees: Ka jingthung nongtrei hapoh ka society.

- a) Kino kino ki nongtrei jong ka society kin ioh ia ka hok kumba long lem kiwei kiwei ki dkhot jong ka Society wei haba la pdiang ia ki kum ki dkhot ba pura jong ka Society hynrei kin nym lah pat ban long ki dkhot jong ka Managing Committee. Ka jingmut nongtrei ha ka society kam kynthup ia kino kino briew kiba pynmih tiar pynmih tar ne pynmih mar mata na ka bynta ka society, kan nym thew ruh ia ki briew kiba lah jied ne thung da ka Sorkar ba kin bat ia kano kano ka kam hapoh ka society, lait noh lada la batai thik ne da kumwei pat.
- b) Ka Managing Committee kan thung (appoint) ia baroh ki nongtrei jong ka Society, kan buh ia ka dor jong ka bainong ka jong ki, lait noh kat kum ka kyndon 6(2) jong ka Bye-Law.

- c) Ka Managing Committee ka lah ruh ban beh ne weng kam noh ia kino kino ki nongtrei jong ka society.

8(3) Provision as to Diplomas, Certificates, etc: Kyndon ha kaba iadei bad ki Diplomas, Certificates bad kiwei kiwei.

Ka jingjied ia ki nongkitkam bad ka jingthung kam ia ki nongtrei kan long kat kum ki kyndon jong ka Ain lane kat kum ki kyndon jong I Registrar of Cooperative Societies ia kiba yn bishar na ka por sha ka por. Yn ai lad shwa ia kito kiba don ia ki Cooperative Diploma Certificates ba la ioh na ki Cooperative Education and Training Institutes ba la ithuh da ka Sorkar.

9 Finances of the Society: Pla tyngka jong ka society.

- (1) Share Capital and Value of Shares: Ka bai seng bad ka jingbuh dor ia ki Share
- a) Katkum ki kyndon 5(4), (5) bad (6) jong ka Bye-Law, ka society kan buh kyrpang katno tylli ki 'Share' ba iwei pa iwei i dkhot i lah ban thied ne kynshew ha ka Society.
- (i) Ka Society kan pynmih ia la ka seng ka dang lyngba u synniang u bynhei. Te kumta ka dei ban rai lypa haduh katno ka seng ka dang (Authourised Share Capital) kan mang kum ka thong ba kan kynjoh. Ka Society kan hap ban khein ban diah haduh katno tylli ki 'Share' ne ki synniang yn donkam khnang ban lah ban kynjoh sha kata ka thong ha kaba iadei bad ka bai seng jong ka ne ka Authourised Share Capital ba ka buh. Kan khein bad kan buh ruh, sa ia ka dor jong kawei pa kawei ka 'Share'.
- b) Ki dkhot jong ka Society ki dei ban siew ia ka bai Share ka jong ki hapoh ka 30 sngi ba ki ioh jingtip na ka Society ba ka lah mynjur ban mang Share na ka bynta jong ki, kat kum ba ki kyrpad bad kat kum ka kyndon 5(3) jong ka Bye-Law. Ki dkhot ki lah ban kyntiew shuh shuh ia la u jong u synniang u bynhei da kaba ki thied shuh shuh ki 'Share' tangba ka dei ban long kat kum ka kyndon 5(3) jong ka Bye-Law. I dkhot jong ka Society yn duh noh ia la ka jinglong dkhot ka jong I lada ym lah ban pynpoi (siew) ia ka bai synniang (Share) ka jong I hapoh ka 30 (laiphew) sngi na kata ka sngi ba ka Cooperative Society ka lah pyntip ia i ba ka lah pdiang ia ka jinglong dkhot ka jong i bad ruh haduh katno tylli ki 'Shares' la mang kyrpang na ka bynta ka jong i. I lah ban siew dep shi sien siew ia baroh kata ka bai Share lane katno bynta na kata ka share ba kyn siew shwa (on instalment basis), ia kane ka bynta bad ka por ban pyndep ha kaba iadei bad ka jingsiew iaka share kan long kat kum ka rai jong ki dkhot ha ka jingialang jong ka General Assembly.
- c) Lada I dkhot ym lah bor ban siew lut ia ka share kat kum ki kyndon bad hapoh ka por ba la buh da ka society, ka Society kan ioh ei noh ia kata ka bynta jong ka bhah kaba I

lah dep siew. Lada I kwah ban ioh biang ia kata ka bhah kaba I lah dep ban siew, yn hap ban rung dkhot biang sa shisien kat kum ki kyndon rung dkhot jong ka Society. Lada ka society kan pdiang dkhot biang ia i, ia kato ka pisa kaba i lah dep siew yn kynthup lang noh ha dor ka jong u synniang (share). Kane kan long kat kum ka jingmynjur jong ka Managing Committee.

- d) Ka General Assembly ka ban rai haduh katno ka seng ka dang ba ka Society ka donkam ban pynmih.

9(2) Share Certificate:

Ha ka khyllipmat ba ki dkhot ki thied Share ha ka society, ka society ka dei ban ai ha ki ia ka Share Certificate kaba don u serial nombor. Ha kata ka Share Certificate dei ban da kdew shai ruh haduh katno tylli ki Share ki thied ha kato ka khyllipmat. Ia ka share Certificate dei ban soi, kum ka sakhi, da I Shongknor (lane da u Symbud Shongknor) bad ruh da I Secretary jong ka Society. Ynda haba ka Managing Committee ka pynshisha ba ka 'Share Certificate', ba bat ino ino I dkhot, ka lah jah noh ne ka jot noh, ka Society kan ai bujli ia I da kawei pat, kata, hadien ba I lah siew ia ka dor ba la buh da ka Society.

9(2)(a) Cash in Hand (Maximum Limit): Katno ka pisa ba ka society ka lah ban bat ha kti.

Ka Managing Committee jong ka Society kan rai haduh katno I Secretary lane ki nongtrei ki jong ka ki lah ban bat ne buh pisa ha ka kti ka jong ki (cash in hand), ha ka shi sngi shi sngi, na ka bynta ban pyniaid ne pyntyllun shapharang ia ki kam kiba man la ka sngi. Lada jia ba ka pisa kaba don ha ka kti (cash in hand) ka lah palat ne tam, ban ia kaba la mang, ia kata ka pisa kaba tam I Secretaty ne ino ino I dkhot jong ka Managing Committee, I dei ban leit thep kyrpang noh ia ka sha bank, ha ka sngi kaba bud.

9(3) Loans: Ban shim ram.

Ka dei ka Managing Committee ka ban shim ia ka rai lada dei ne em ia ka Society ba kan shim ia ka ram. Kan rai katno haduh katno (quantum of Loan) ka ram yn shim, hadien kaba pynshong nongrim bha ia ka sut (Principal) kaba kan hap pat ban siew halor kata ka ram ba kan shim.

(i) Borrowing Power: Haduh katno lah ban shim ram.

Ka Society ka lah ban shim ram na ki para dkhot, ne kino kino ki seng ba ai ram ai shah bad kumjuh ruh na kino kino ki riew shimet ki bym dei ki dkhot jong ka society bad haduh katno ia ka ram ka lah ban shim kan long kat kum ka Cooperative Societies Acts & Rules bad kat kum ka rai jong ki dkhot jong ka society hapoh ka jingialang jong ka General Assembly ia kaba ki

hap ban pynrung ia kane ka rai kum kawei na ki kyndon hapoh ka Bye-Law jong ka society, kane kan long hadien ba ki la ioh ia ka jingbit bad jingmynjur na I Registrar of Cooperative Societies.

9(4) Deposits: Jingkynshew Pisa.

Ka society ka lah ban pdiang ia ka pisa jong ki dkhot kiba kwah ban kynshew pisa bad ka. Ka Managing Committee ka ban shim ia ka rai ha kaba iadei bad kane ka kam kynshew pisa. Ka General Assembly pat de kan shim ia ka rai ha kaba iadei bad ka dor jong ka sut kaba yn siew shi snem shi snem halor kata ka jingkynshew pisa ka jong ki dkhot.

9(5) Other Sources of Revenue: Kiwei kiwei de ki lad ioh pisa.

Ia baroh ka pisa pilain ba ka Society ka ioh yn thep lang ia ki baroh ha ka Current Deposit, kata lada ym don kano kano kawei pat ka jingbthah kaba kyrpang. Kita ki jingioh ki long kine; ka bai form rung dkhot, ka sut ba ioh halor ki jingkynshew pisa ka jong ka bad ruh ka pisa kaba ioh pdiang snewbha.

9(6) Reserve Funds:

- (a) Ha kaba iadei bad ka pisa pilain ba ka Society ka kynshew kyrpang bha, na ka por sha ka por, khnang ban ioh ban pyndonkam ha ka por jong ka jingkyrduh. Ia kane ka Kynshew Kyrpang lane Reserve Fund yn pynlong da kine ki rukom harum.
 - i. Na ka jingmang kyrpang kaba shi sien shi snem kat kum ka kyndon 10(1)(i) jong ka Bye-Law.
 - ii. Kano kano ka pisa kaba dei ban thep ha Reserve Fund kat kum ka kyndon 9(7)(b) jong ka Bye-Law.
 - iii. Ka pisa baroh ba ioh na ka jingrung dkhot bad kiwei kiwei ruh kiba kat kum ka jingbthah kyrpang.
 - iv. Ka pisa baroh kaba ioh na kaba dain kuna, na ki 'Share' ba la shimti biang noh da ka 'Society' lem bad baroh ka pisa kaba ki dkhot ki hap ban duh lehnohei noh (forfeit).
 - v. Ka bhah kyrpang ba dei ioh ki dkhot hynrei kaba ki dkhot kim wan shim shuh.
- (b) Ia ka Reserve Fund yn pyndonkam kat kum ka rai jong ka Managing Committee ka ban long kat kum ki kyndong jong ka Ain.
- (c) Lah ban buria ia baroh ne katno katne ka jingduhnoh, ynda haba kut u snem, da kaba sei buria na ka thup Kynshew Kyrpang lane Reserve Fund tangba tad ynda la ioh jngbit na I

Registrar of Cooperative Societies bad ruh tang lada ym pat shym la siew 'honorarium' ne 'bonus' ne 'dividend' ia ki dkhot jong ka Managing Committee ne ia ki dkhot jong ka Society.

- (d) Ka society, ha kaba iadei bad ka jingpyntrei kam trei jam, ka lah ban sei pyndonkam katto katne na ka Reserve Fund hadien ba ka la ioh jingbit na I Registrar of Cooperative Societies.

9(7) Investments: Ka jingpyndonkam ia ka pisa pilain na ka bynta ban ioh myntoi.

- a) Hadien ba lah ioh ka jingbit na I Registrar of Cooperarative Societies, ka Managing Committee ka lah ban pyndon kam ia ka pisa kaba dang tam, na kaba lah dep thep ha ka Reserve Fund, na ka bynta kano kano ka kam ba ka society ka pyntrei. la kane ka pisa dei ban pynrung jingkhein kyrpang bad ym dei ban kynthup lang bad ka pisa kaba don ha ka Reserve Fund.
- b) Ka General Assembly ka don ia ka iktiar ban rai ban thep ia kano kano ka pisa kaba tam lane katto kattne na kata ka pisa kaba tam sha ka Reserve Fund.

9(8) Current Account:

- a) la baroh ka pisa ba ka society ka mang kyrpang na ka bynta ka jingpyntrei kam ka jong ka, kaba na ka por sha ka por, dei ban thep kyrpang ia ka hapoh ka Current Account jong ka Society. la kane ka Current Account dei ban plié ha ka tnat jong ka Meghalaya Co-operative Apex Bank Ltd (MCAB) kaba don hapoh u pud trei kam jong ka Society. Lada jia ba ka Meghalaya Cooperative Apex Bank Ltd kam don tnat trei hapoh u pud trei kam jong ka Society, ka Manging Committee da ka jingai jingbit I Registrar of Cooperative Societies, ka lah ban leit plie ia kata ka Current Account hapoh ka Post Office lane ha kano kano ka Bank kaba don hapoh u pud trei kam jong ka Society. I Shongknor bad I Secretary ka Society kin pyniaid ia kane ka Current Account katkum ki kyndon ba lah buh.
- b) Lada ka Managing Committee ka shem ba ka pisa kaba don ha ka Current Account ka lah kham bun ban ia ka pisa ba ka lah sei na ka bynta ki jingdonkam ki jong ka kiba man la ka sngi, ia kata ka pisa kaba tam (kaba don ha ka Current Account) lah ban sei noh khang ban pyndonkam ia ka kat kum ka kyndon 9(7)(a) jong ka Bye-Law
- c) 9(9) Appropriation of Payments: Ka jingpynbynta ia ki pisa ba ki dkhot ki dei ban siew.

Ia ka pisa ba ki dkhot ki dei ban siew sha ka Society dei ban bynta kyrpang kumne harum:

- I. Ka bai wai, ka bai rung dkhot, ka bai phorm bad ka bai kuna.
- II. Ka sut halor ka ram ba ki dkhot ki shim na ka Society.
- III. Ka jingsiew ia ka trai jong ka ram ba ki shim na ka Society.

10. Distribution of Profit: Ka jingpynbynta ia ka jingiohnong.

Ka rukom bynta ia ka jingiohnong hadien ba la dep khein lut ia ki jinglut jingsep baroh (Net Profit), ha kaba kut u snem, kan long kumne harum.

- i. 25% na ka jingiohnong, yn thep sha ka Reserve Fund.
- ii. Haduh 15% yn bhah kum ka jingsiew kyrpang ia ki nongtrei, kat kum ka jingibit ba kin ioh.
- iii. Haduh 20% sha ka Patronage Dividend.
- iv. Haduh 12.5% yn mang kyrpang kum ka bhah ba ki dkhot ki dei hok ban ioh, kaba long kat kum ki Share ba ki bat ha ka society.
- v. Haduh 10% yn mang kum ka jingsiew kyrpang sha ki dkhot jong ka Managing Committee ka ban long kum ka kam ba ki trei.
- vi. Haduh 5% yn mang kyrpang kum ka jingsiew kaba kyrpang ia ki dkhot kiba don shabar ka Managing Committee.
- vii. Ka jingsiew sha ka "Cooperative Development Fund kan nym dei ban palat ia ka 10%.
- viii. Ka bhah kyrpang na ka bynta ban siew buria, kum ka jingkhate pynduna noh, ia kano kano ka ram ba ka Society ka la thikna ba ki dkhot ki jong ka kin nym lah shuh ban siew dep noh. Lah ban mang ruh katto katne na kaba dang sah na ka bynta ka bha ka miat jong ki dkhot (Welfare Fund).

10(2) Further Patronage Funds: Ha kaba iadei shuh shuh bad ka Patronage Fund.

Ia kata ka pisa kaba dang tam, hadien ba lah dep ban bhah kat kum ki jingmang kyrpang ba pher ba pher, dei ban sam ia ka kum ka "Patronage Dividend' hapdeng ki dkhot jong ka Society bad kat kum ka kyndon 10(1) jong ka Bye-Law.

11 Miscellaneous:- Kiwei kiwei pat kibynta

1. Ia kine ki kyndon jong ka Bye-Law, lait noh ia ki Ain & ki Kyndon Ain ba la buh kyrpang da ka Sorkar, lah ban pynkylla na ka por sha ka por da ka jingmynjur lang uba bun bal-

ang u dkhon jong ka Genral Assembly lyngba ka 'vote'. Na ka bynta kane donkam ia ka jingpoi lang ka jong ki dkhon jong ka Society sha ka General Assembly, kaba haduh 2/3 bynta. Yn nym ithuh bad yn nym lah ban pyntrei kam ia kano kano ruh ka jingpynkylla ia ka kyndon jong ka Bye-Law lynda la 'register' shwa ia kata ka jingpynkylla kat kum ka jingmynjur da ka ophis jong I Registrar of Cooperative Societies.

Lada ka jingpoi ki dkhon sha ka jingialang jong ka General Assembly kam kot ia kata ka 2(ar) na ka 3(lai) bynta (2/3) ia kata ka jingialang jong ka General Assembly dei ban pynsangeh noh shwa kat kum ki kyndon 5(3) (e) jong ka Bye-Law. Lada wat ha ka jingialang kaba la khot pynlong biang ruh ym lah ban ioh ia ka jingdon kaba 2 (ar) na ka 3(lai) bynta jong ki dkhon jong ka Society pynban ka jingpynkylla ia ka ne ki kyndon jong ka Bye-Law kan ksan bad kan ieng wei haba haduh 3 (lai) na ki 4(saw) bynta na kita ki dkhon kiba don ha kata ka jingialang ki ai ia ka jingmynjur ka jong ki lyngba ki vote ki jong ki.

11(2) Dispute and Arbitration:- Ka jingiakajia bad ka jingiapher jingmut

Ha kaba iadei bad ki kam ki jam jong ka Society, ka lah ban mih kano kano ka kynrum ka kynram ne ka jing ia kajia majia ne ka jingiapher jingmut. Ka kynrum kynram ne ka jingiapher jingmut ne ka jing ia kajia majia ka lah ban long hapdeng ki dkhon jong ka Society; hapdeng ki bym dei shuh ki dkhon ka Society hynrei kiba kam ba ki don bynta bad ka Society lane bad ka Managing Committee jong ka Society; hadpeng ki para nongtrei jong ka Society; ki nongtrei ka Society pyrshah ia ka Society ne pyrshah ia ki nongthung kam ba la pynkupbor da ka Society bad ka lah ban dei halor ka bainong, ka por trei, ka rukom trei lem bad ruh kiwei kiwei de ki daw. Ka society, haba don kum kitei kiei kiei ba la kdew haneng ka dei ban pyntip sha I Registrar of Cooperative Societies khnang ba yn bishar pynbeit, pyniasuk kat kum ki kyndon jong ka Ain. I Registrar of Cooperative Societies i lah ban jied da iwei ne kiwei pat ki bried na ka bynta kane ka kam.

11(3) Audit:- Ka jingkhmih ban peit ia ka jingbeit jong ki jingkhien jingdiah

- (a) Ka jingialang kaba shisien shisnem jong ka General Assembly kan hap ban jied iano iano, napdeng ki dkhon jong ka society, ban long nongpeit bad nongbishar bniah ia ka jingshisha jong baroh ki jinglut jingsep bad ki jingioh nalar kaba buh beit buh ryntih bha ia ki jingkhien jingdiah, kumba dei rukom bad kat kum ka kyndon 6(2) (c) jong ka Bye-Law.

- (b) Ka dei ka kamram jong ka Managing Committee ba kan shna pynbit pynbiang ia ka Balance Sheet, ha kaba kut u snem, kat kum ki kyndon ka Ain lem ruh bad ia ka kaiphod halor ki kam kiba ka Society ka la leh ha uta u snem. Ia kine baroh ka dei ban wanrah ha ka jingialang jong ka General Assembly, na ka bynta ban ioh ia ka jingmynjur lang jong baroh, kat kum ka kyndon 6(2)(b) jong ka Bye-Law.
- (c) Ha man kaba kut jong u snem ia baroh ki jingkhein jingdiah bad ka Balance Sheet jong ka society dei ban da khmih bniah bad bishar bniah bha, da ino ino i ophisar ba la jied kyrpang da I Registrar of Cooperative Societes, kum ka jingpynshisha ba kin long kiba beit bad ryntih. Ha kaba iadei bad kane ka kam I Registrar of Cooperative Societies I lah ruh ban buh da iwei pat I briew, iba don ia ka certificate ne syrnot ba lah ithuh kyrpang da ka Sorkar kum ka jingpynshisha ba I lah pyndep ia ka jinghikai pyntbit kaba kyrpang ha kaba iadei bad kane ka bynta. Na ka bynta kane ka kam I Secretary jong ka society I dei ban aiti ia baroh ki kot ki sla sha ita iba I Registrar of Cooperative Societies I lah ban pynkupbor ha I ba yn khmih bad bishar bniah ia ka jingkyntiew jingkhien bad ia ka jingbuh beit buh ryntih, kumba dei ka rukom, ia baroh kita ki jingkhein jingdiah jong ka society.
- (d) Ka Managing Committee ka dei ban wanrah ha ka jingialang ba shisien shisnem jong ka General Assembly (Annual General Meeting) ia ka Balance Sheet lem bad ka kaiphod kaba shi sien shi snem(Annual Report), kaba kynthup ia ka kaiphod halor ki jingkhein jingdiah (Audit Report) ba la ai da kiba lah dep bishar bniah bad pynshisha ba ka jingbuh jingkhein ka long kaba beit bad kaba ryntih.

11 (4) Records: Ki kot ki sla ba ka society ka dei ban buh.

Ka Society ka dei ban don ia baroh ki kot ki sla kumba la bthah da I Registrar of Cooperative Societies. Kine baroh ki dei ban don hapoh ka jingsumar sukher jong ita I nongkitkam lane ita I nongtrei ba la pynkupbor kyrpang da ka Society. Ki dkhot jong ka Managing Committee ki don ka hok ban peit bad bishar ia kine ki kot ha kano kano ka por ba ki sngewdei ban leh kumta.

11(5) Rules making power: Ka bor ban thaw ia ki ain treikam

Lait noh halor ki Kyndon jong ka Ain jong ka Meghalaya Cooperative Societies Acts & Rules ha ryngakt ki Kyndon jong ka Bye-Law, ka Managing Committee ne ka Sub-Committee ne mano mano, ba la pynkhamti bad pynkupbor kyrpang da ka Society, ki

lah ban shna ia kino kino ki Kyndon (Rules) na ka bynta ka jingpyniaid beit pyniaid ryntih ia ki kam ki jam jong ka Society, ia kiba la bynshet ha ki. Ia ka kopi jong kine ki kyndon treikam dei ban phah sha I Registrar of Cooperative Societies kum ka jingpyntip, ka jingmynjur bad ka jingbthah ban ia bud beit bud ryntih ia ki kumta kumba ki long. .

11(6) Liquidation: Ka jingpynduh pyndam noh ia ka society

Ia ka society lah ban pynduh pyndam noh da ka iktiar jong I Registrar of Cooperative Societies. Ha kaba iadei bad kane, lada ka Society ka dang don ia kino kino ki jingdon ki jingem (assets) kiba dang sah wat hadien ba ka society ka lah pynkhuid lut ia ki ram ki shah ki jong ka bad ruh wat hadien ba ka lah dep siew lut ia baroh ki jinglut ki jingsep kiba iadei bad ka jingpynduh pyndam ia ka, dei ban ia bynta ia kita baroh kiba dang sah khyrdong kat kum ki Kyndon jong ka Ain (Meghalaya Cooperative Societies Acts & Rules).

12 Amendment of Bye-Law: Ka jingpynkylla ia ka Bye-Law

Kat kum ka Meghalaya Cooperative Societies Acts & Rules. Ka Cooperative Society ka lah ban pynkylla noh ia kano kano ka kyndon ne ia katto katne ki kyndon jong ka Bye-Law ka jong ka lane ia baroh kawei ka Bye-Law. Ha shwa ba kan leh ia kane ka dei ban pynpoi biang por ia ka jingpyntip halor kane ka phang sha baroh ki dkhot jong ka Society da kaba kdew shai ruh ia kata ka kyndon ne ki kyndon jong ka Bye-Law ba ka don jingthmu ban pynkylla, khnang ba ki dkhot kyn ioh ban da ia bishar bniah bad pu-son sani bha halor kata ka kam. Yn nym lah ban pynkylla lymda la ioh shwa ia ka jingbit lane ia ka jingkyrshan jong kiba bun balang napdeng ki dkhot, lyngba ka jingkyrshan tynggeh haduh 2 (ar) bynta na ka 3(lai) bynta jong baroh ki dkhot kiba ia poi bad ia don ha kata ka jingialang jong ka General Assembly, ia kaba la pynlong kyrpang thik tang na ka bynta kane ka kam. Hadien kane dei ban pyntip sha ka ophis I Assistant Registrar of Cooperative Societies lane sha ka ophis jong I Sub Registrar of Cooperative Societies bad dei ban pyntip ruh ia kane hapoh ka shi bnai na kata ka tarik ba la shim ia ka rai. Kane ka jingpynkylla ia baroh kawei ka ka Bye-Law ne ia kino kino ki kyndon jong ka Bye-Law kan sa treikam tad hadien ba lah ioh ia ka jingbit na I Assistant Registrar of Cooperative Societies ne Sub Registrar of Cooperative Societies, kaba long kat kum ba la pynkupbor ha ki da I Registrar of Cooperative Societies.

JINGBATAI HALOR KATTO KATNE KI KYNTEIN BA LA PYNDONKAM HA KA BYE LAW JONG KA COOPERATIVE SOCIETY

- a) Act: - Act kamut ka Ain, bad hangne ka thew ia ka Meghalaya Cooperative Societies Act, 2015.
- b) Area of Operation- U Pud treikam jong ka Cooperative Society – kan kynthup ia 1 (kawei) ne 2 (artylli) lane bun tylli ki shnong kiba marjan ne mar syndah ha kaba ki brieve kiba shong ba sah ha kitei ki jaka ki lah ban rung bad ban long kum ki dkhot jong ka Cooperative Society. Ka thew ruh ia u pud u sam trei kam jong ka Cooperative Society kumba la kdew shai kdar ha ka Bye Law jong ka Cooperative Society.
- c) Bye-law:-Ki dei ki kyndon Ain ba la thaw kyrpang beit thik tang na ka bynta kano kano ka Cooperative Society bad ba la thaw ruh kat kum ki kyndon jong ka Meghalaya Cooperative Societies Act, 2015.
- d) Chairman: Ino ino I dkhot ba la jied kyrpang da ki para dkhot jong ka Cooperative Society ha kano kano ka jingialang jong ka General Assembly ban long i Shongknor jong ka Society.
- e) Cooperative Year:-Ka thew ia ka samoi kaba naduh ka 1 tarik u laiong tad haduh ka 31 tarik u Lber jong u snem uba bud. Ka thew ruh ia ka jingpynbit pynbiang ia baroh ki jingkhein ki jingdiah jong ka Cooperative Society kiba hapoh katei ka por ba la kdew.
- f) Dividend:-Ka pisa ba ka Cooperative Society ka siew sha ki dkhot ki jong ka, kum ka bhah ka jong ki na ka jingiohnong jong ka Cooperative Society, hadien kaba kut ka snem (cooperative year). Ki dkhot kin ioh ia ka bhah kaba long kat kum ka dor jong ki Share ba ki thied lane kat kum ka jingnoh ka jong ki ia u synniang u bynhei bad kin ioh ruh kat kum ba la batai bniah ha ka Bye- Law jong ka Cooperative Society.
- g) General Assembly– Ka jingialumlang kaba shisien shi snem jong baroh ki dkhot jong ka Cooperative Society bad kane ka dei ka bor kaba halor tam duh (Supreme Body) jong ka Cooperative Society, kat kumba ba la batai lyngba ka section 30(1) jong ka Meghalaya Cooperative Societies Act, 2015.
- h) Limited Liabilities:- Ka jingbah khlieh:-kane ka thew ia ka jinghap ban bahkhlieh ne ka jinghap ban buria jong ki dkhot jong ka Cooperative Society, ha kaba iadei bad ka jingshim ram jong ka Cooperative Society na kano kano ka Bank, ne na kino kino ki seng

ba ai ram ai shah. Ha kaba iadei bad kane ka jingsiew bai buria, ki dkhot kin hap ban buria tang kat kum ka share ba ki la synniang bad kynshew hapoh ka society.

- i) Managing Body ne Board of Directors:-Ka mut ka kynhun ba la jied kyrpang ban shim ia ka jingkit khlieh ha kaba iadei bad ka jingpyniaid ia ki kam ki jam jong ka Cooperative Society.
- j) Managing Committee:- Ka kynhun jong ki dkhot kiba la jied kyrpang napdeng ki para dkhot da ka Cooperative Soceity ha ka General Assembly na ka bynta ba kin pyniaid beit bad ryntih ia ki kam jong ka society.
- k) Member:- Ka mut ia ino ino iba lah dei l dkhot ba pura jong ka Cooperative Society; bad ia ka kyrteng ka jong l lah kyntiew kyrpang hapoh ka Register pynrung kyrteng jong ka Cooperative Society, hadien ba l lah dep ban siew shwa ia ka dor jong ka bai rung dkhot bad l lah dep ruh ban noh ia u synniang u bynhei jong l da kaba l thied ia ka Share (u synniang u bynhei) hapoh ka Cooperative Society katkum ki kyndon ba lah buh ha ka Bye Law jong ka Cooperative Society.
- l) Reserve Fund:-Ka Pisa pilain ba la bate kyrpang, na ka jingiohnong jong ka Cooperative Society, ha kaba kut jong u snem, kata ha ka 31 tarik u Lber, na ka bynta ban kynshew kyrpang.la kane yn bate bad kynshew kyrpang kat kum ki kyndon ba la buh da ka Meghalaya Cooperative Societies Act, 2015. Ia ka pisa kaba don ha kane ka thup kynshew kyrpang lah ban sei bad ban pyndonkam tang lada ka Cooperative Society ka lah kyrduh pisa shisha. Ia ka pisa kaba don ha kane ka thup kyrpang yn sa lah ban sei bad ban pyndonkam tad hadien ba la ioh shwa ia ka jingbit na l Assistant Registrar of Cooperative Societies ne l Sub-Registrar of Cooperative Societies.
- m) Secretary:- Ino ino napdeng ki dkhot, ia iba lajjied bad thung kyrpang da ka General Assembly, ha ka Annual General Meeting lane ha ka Special General Meeting jong ka Cooperative Society, na ka bynta ba yn buh beit buh ryntih bad ba yn sumar suker bha, hapoh ka jaka trei kam jong ka Cooperative Society, ia ki kot ki sla kiba kongsan jong ka Cooperative Society ki ban kynthup ruh ia ki dular bad ki syrnot jong ka Cooperative Society.Ka dei ruh ka kamram ka jong l ba yn khot pynlong ia ki jingialang bapher bapher, kata, ka Managing Committee Meeting, ka Special General Meeting bad ka Annual General Meeting. Ki dkhot jong ka Cooperative Society ki lah ruh ban thung Secretary da iwei pat l bym dei l dkhot jong ka Cooperative Society lada l dei iba don ka jingtip bad ka jingtbit ia kane ka kam.

- n) Vice Chairman bad Assistant Secretary:- Kine ki dei ki dkhot ba la jied kyrpang da ka General Body khnang ba kin iarap lem ia I Chairman bad ia I Secretary bad ruh ba kin shimti ia ka kamram ka jong I Chairman bad I Secretary ha kano kano kapor ba I Chairman bad I Secretary kim lait ban shimti bad ban pyndep ia ki kam jong ki hapoh ka society.
- o) Share Capital(Baiseng): Ka dei ka pisa bai seng lane u synniang u bynhei ba ka Cooperative Society ka lah ioh ban lum na u synniang ne na ki Share ba la thied da ki dkhot ba pura jong ka Cooperative Society. Ka Share Capital ka don ar jait, kawei ka dei kaba ka Cooperative Society ka ioh lum na ka jingthied Share ka jong ki dkhot kiba dei ruh ki riewshimet bad kawei pat ka dei kato ka bynta kaba ka Cooperative Society ka ioh na ka jingrung dkhot ka Sorkar hadien ba ka ruh ka thied lem ia ki Share ne ka noh lem ia u synniang bai seng ha ka Cooperative Society. Ka Cooperative Society ka dei ban pynphai biang noh ia ka bhah ka jong kito ki dkhot kiba la ieh noh ia ka jinglong dkhot ka jong ki ha ka Cooperative Society lane kiba la shah weng noh ia ka jinglong dkhot ka jong ki ha ka Cooperative Society.

Ia ka Share ba ki dkhot ki thied ne ia une u synniang ba la noh kyrpang da ki dkhot dei ban kyntiew kyrpang ha ka Share Ledger bad ki dkhot kiba noh synniang ne thied Share ki dei ruh ban ioh ka Share Certificate kum ka syrnot jingpynshisha ba ym tang ba ki lah dep noh synniang hynrei ban pynshisha ruh haduh katno ki lah noh synniang. Ia ki Share Certificate ki dkhot ki dei ban pynphai biang noh sha ka Cooperative Society ha kata hi ka khyllipmat ba ka Cooperative Society ka pynphai noh sha ki ia ka Share ka jong ki. Ki dkhot ki lah ruh ban ai pateng noh ia ki Share ki jong ki sha ino ino I nongioh pateng iba ki hi ki lah jied da la ka mon sngewbha ba kin long ki nongioh pateng ki jong ki. Ia kane lah ban leh hadien ba kito ki dkhot ki la iehnoh ne duhnoh ia ka jinglong dkhot ka jong ki hapoh ka Cooperative Society.

- p) Admission Fee: Ka mut ka bai rung dkhot lane ka dor ba u/ka dkhot ki hap ban siew hadien ba la pdiang ia ki ba kin long ki dkhot jong ka Cooperative Society. Ia kane ka bai rung ki dkhot ki hap ban siew tang shisien siew bad ym man la u snem. Ia kane ka bairung ba ki dkhot ki la dep siew, ka Society kam dei ban pynphai biang wat hadien ba ki dkhot ki lah ieh noh ne duh noh ia ka jinglong dkhot ka jong ki ha ka Society. Ki dkhot ki dei ban tip ba ka jingsiew ia ka bai rung kan ym lah ban pynlong ia ki kum ki dkhot kiba pura jong ka Society katba kim pat siew ia ka Share lane katba kim pat noh lem pat sa ia u synniang u bynhei.

- q) Cash in Hand or (Closing Balance):- Ka pisa pilain, kaba don lang baroh, ha ka kti ka Co-operative Society bad ym kaba don ne thep hapoh Bank, ha kaba kut u snem lane ha ka ka 31 tarik u Lber. Kane da lei lei kam dei ban don palat ia ka ei ba la kdew ha ka rai jong ka Inaugural General Meeting. Ia kane ka pisa ba don ha kti dei ban bat da i Secretary ne Treasurer ne da ino ino ba ka society ka la pynkup bor na bynta kane ka kam.
- r) Admission of Members :- Ka jingpynrung dkhot hapoh ka society kan long beit tang ha ka Inaugural General Meeting, ka Annual General Meeting bad ka Special General Meeting. Ki ba lah ban long dkhot ki dei ban kynjoh ia ka 18 snem shaneng, ki bym don ia kano kano ruh ka jingthohbria lane don dak sniew ha ka imlang ka sahleng, ki bym pat shah rai pynrem ha ka Ain, ki bym don jingshitom ha ka pyrkhath ka pyrdain, ki bym dap ram dap shah bad kiba dei ki trai shnong lane kiba shong ba sah hapoh u pud trei kam jong ka Cooperative Society.
- s) Expulsion of Members:- Ka jingweng noh da ka Cooperative Society ia ino ino l dkhot na ka jinglong dkhot ha ka Cooperative Society lah ban leh tang da ka rai ka jong uba bun balang ha ka Annual General Meeting lane Special General Meeting. Ia kane ka kam dei ban rai lang da kumba 2(ar) bynta na ka 3(lai) bynta jong ki dkhot kiba poi sha kum kitei ki jingialang.
- t) Patronage Dividend:- Kane ka dei ka jingpynphai biang noh ia katto katne na kaei kaba ka Cooperative Society ka ioh nong ha kaba kut u snem sha kito ki dkhot kiba ju minot ban iai thied iai pet ia ki jingdonkam ki jong ki na ka Cooperative Society. Kane ka long kum ka dak ka jingsngewnguh ia kita ki dkhot bad ruh kum ka jingpynshlur ia ki ba kin nang iai bteng ia ka jingiadei kam ka jong ki bad la ka jong ka Cooperative Society.
- u) Quorum in Meetings:-Kane ka thew haduh katno ngut donkam ba ki dkhot kin don ha kano kano ka jingialang khnang ba yn lah ban ia shong pyrkhath kam, pyrkhath jam bad ruh ban lah ban ia shim ia ki rai kiba kongsan. Ka jingdon kan long kumba la kdew hangne harum:
- i. Ha kajingialang jong ka General Meeting ki dkhot ki dei ban ia poi la kumno kumno 2(ar) na ka 3 (lai) bynta.
 - ii. Ha ka jingialang jong ka Managing Committee dei ban ia poi la kumno kumno mar shiteng ki dkhot jong ka.
- v) Authorised Share Capital:- Ka dei ka thong ba ka society ka buh haduh katno ka bai seng kan pynpoi ne kynjoh hapoh katto katne snem.

- w) Working Capital:- Ka jingdon jong ka pisa kaba kynthup ia ki share ba ka society ka la ioh lum bad pdiang na ki para dkhot, ka jingkynshew pisa ba ka society ka thep hapoh Bank bad kaba don ha kti jong ka, ka bhah pisa na ka jingiohnong bad ka pisa ba ioh kum ka ram ka shah ia kaba ka society ka lah ban pyndonkam kum ka bai seng ha kaba iadei bad ka jingpyntyllun ia ki kam ki jam jong ka na ka por sha ka por.
- x) Rate per share:- Ka mut ka dor jong kawei ka share ba ka society ka buh khnang ba ki dkhot ki lah ban thied ne kynshew hapoh jong ka.
- y) Inaugural General Meeting:- Ka mut ka jingialang kaba nyngkong duh jong ki para dkhot ryngkat bad ka jing ia donlang i ophisar na ka ophis jong I Assistant Registrar of Cooperative Societies ne Sub- Registrar of Cooperative Societies ha ka por ba seng ia ka Cooperative Society ia kiba la buh kyrpang ba kin peit bniah ha ka ba iadei bad ka jingpyniad ia kane ka jingialang. Ha kane ka jingialang ki rai ba ki para dkhot ki shim kin long kat kum kane ka nuksa ba kdew harum:
- (i) Ban jied ia I President ban pyniaid ia ka jingialang.
 - (ii) Ban thoh ia ka kyrteng jong i ophisar ba ia don lang ha ka jingialang i ban batai ia ka jingmut jong kane ka jingialang.
 - (iii) Ban rai pynskhem ia ka kyrteng jong ka society bad ban pdiang bad mynjur ia ka Bye- Law jong ka.
 - (iv) Ban rai pynskhem ia u pud u sam treikam jong ka society.
 - (v) Ban rai pynskhem ia ka jaka trei kam (Address) jong ka society.
 - (vi) Ban rai pynskhem ia ka bai rung (Admission fee)
 - (vii) Ban rai pynskhem ha kaba iadei bad ka dor jong kawei ka share.
 - (viii) Ban rai pynskhem ha kaba iadei bad ka jingbuh ia ka thong haduh katno ka bai seng (Authorised Share Capital) ba ka society kan pynpoi ne kynjoh kat kum ka thong ba la buh da ka bad ia kane lah ban pynkylla ha kawei pat ka jingialang ba shi sien shi snem.
 - (ix) Ban rai pynskhem ha kaba iadei bad ka sut ba ka society kan ai ia ki dkhot kiba kynshew pisa ha ka na ka bynta shi snem.
 - (x) Ban shim ia ka rai ha kaba iadei bad ka jingkynshew pisa jong ka society hapoh kano kano ka Bank kaba don hapoh ne hajan u pud treikam jong ka society. Ha kaba iadei bad kane, ka society kan sa jied ia ki briew ki ban peit bad pyniaid ia kane ka kam kaba iadei bad ka thup kynshew pisa.
 - (xi) Ban jied bad pynskhem ia I Shongknor, symbud Shongknor, ki dkhot jong ka Man-aging Committee bad kumjuh ruh ban jied bad thung kam ia I Secretary.

(xii) Ban pynskhem ia ka rai ban ia snoh kti lang bad kano kano ka tnat trei kam jong ka Meghalaya Cooperative Apex Bank Ltd.

(xiii) Ban phah ia ki rai jong kane ka jingialang bad kumjuh ruh ia ka application ha kaba iadei bad ka jing pan registration ryngkat bad ia ka Bye-Law sha ka ophis jong I Registrar of Cooperative Societies, Meghalaya, Shillong lyngba ka ophis jong I Assistant Registrar of Cooperative Societies lane lyngba ka ophis jong i Sub- Registrar of Cooperative Societies.

Ia kine ki rai ba la shim ha kane ka jingialang dei ban da soi da i President iba la pyniaid ia ka jingialang.

